

Na osnovu člana 90. Zakona o javnim nabavama BiH („Službeni glasnik BiH“, br. 39/14, 90/14, 96/14, 97/14, 103/14 i 104/14) i člana 7. stav (1) tačka b) Pravilnika o postupku direktnog sporazuma BiH („Službeni glasnik BiH“, br. 90/14)

1. **"TRISAR - INN" d.o.o. SARAJEVO**, Envera Šehovića 16b, 71000 Sarajevo identifikacioni broj: 4200324560002, zastupan po direktorici Marijani Selimović s jedne strane (u daljnjem tekstu: dobavljač) i
2. **JU OSNOVNA ŠKOLA „HADŽIĆI“ HADŽIĆI** Zlatnih ljljana 57, 71240 Hadžići, identifikacioni broj: 4202256020005 zastupana po direktorici Đenani Alispahić s druge strane (u daljnjem tekstu: Ugovorni organ),

zaključili su dana 31.12.2018. godine

## U G O V O R

### O NABAVCI OBRAZOVNIH POMAGALA ZA NASTAVNI PREDMET MUZIČKA/GLAZBENA KULTURA

#### Član 1.

Predmet ovog Ugovora je nabavka i isporuka sljedećih obrazovnih pomagala za nastavni predmet muzička/glazbena kultura: *def 20 cm* - 9 kom, *def 15 cm* – 9 kom, *triangl 10 cm* – 9 kom, *triangl 12 cm* – 9 kom, *triangl 14 cm* – 9 kom, *triangl 18 cm* – 9 kom, *triangl 20 cm* – 9 kom, *zvečke marakas* - 18 kom, *guiro sa strugačem*, veliki – 9 kom, *blok dva tona* -18 komada, *drveni blok* – 9 kom, *kastanjeta u boji*, *drvena* - 18 kom, *kastanjeta s drškom* – 9 kom, *blok jedan ton*, *drveni* – 9 kom, *drvene udaraljke – palice* – 9 kom, *metani shaker* – 9 kom i *udaraljke* – 36 komada (u daljem obrazovna pomagala) na osnovu prihvaćene Ponude/Predračuna „Trisar-inn“ d.o.o. Sarajevo broj: 319 – HDŽ - 12/2018 od 27.12.2018. godine koja je sastavni dio ovog Ugovora i Odluke o direktnom sporazumu broj: 1403/2018 od 31.12.2018. godine.

#### Član 2.

Vrijednost ove nabavke iznosi **2.564,10 KM (slovima: dvijehiljadepetstotinašezdesetčetiri i 10/100 konvertibilnih maraka)** bez PDV-a, odnosno **3.000,00 KM (slovima: trihiljade konvertibilnih maraka)** sa PDV-om.

Dobavljač se obavezuje da će obrazovna pomagala isporučiti ugovornom organu u roku od 30 (trideset) dana od dana potpisivanja ovog ugovora.

Ugovorni organ je dužan isplatiti cijenu u iznosu navedenom u stavu (1) ovog člana u roku od 15 (petnaest) dana od dana prijema ispravno ispostavljenje fakture.

Dobavljač je dužan isporučiti obrazovna pomagala u neoštećenom stanju na adresu: JU Osnovna škola „Hadžići“, Zlatnih ljljana 57, 71240 Hadžići.

Troškove isporuke kao i one troškove koji prethode isporuci snosi dobavljač.

#### Član 3.

Ugovorni organ može raskinuti ovaj ugovor u sljedećim slučajevima:

- ako dobavljač ne isporuči obrazovna pomagala u predviđenom roku,

- ako je ugovorni organ nezadovoljan obrazovnim pomagalicama u smislu da na istima postoje materijalna oštećenja,
- ako je dobavljač isporučio obrazovna pomagala koja nisu odgovorajuća uzorku ili modelu, osim ako je uzorak ili model pokazan samo radi obavještenja.

Dobavljač može raskinuti Ugovor, ako ugovorni organ ne ispuni finansijske obaveze utvrđene ovim ugovorom.

#### **Član 4.**

Ugovorne strane su saglasne i prihvaćaju da za sve ono što nije u ovom ugovoru predviđeno, važe propisi iz Zakona o obligacionim odnosima.

#### **Član 5.**

Ugovorne strane se obavezuju eventualne sporove riješiti mirnim putem, ukoliko to nije moguće ugovaraju nadležnost suda u Sarajevu.

#### **Član 6.**

Ovaj ugovor je sačinjen u 2 (dva) istovjetna primjerka od kojih svaka strana zadržava po 1 (jedan) primjerak.

#### **Član 7.**

Ugovorne strane primaju prava i obveze iz ovog Ugovora, te ga u znak toga potpisuju.

#### **DOBAVLJAČ**

\_\_\_\_\_  
*/Marijana Selimović /*

Broj: \_\_\_\_\_

Datum: \_\_\_\_\_

#### **UGOVORNI ORGAN**

\_\_\_\_\_  
*/Đenana Alispahić, prof./*

Broj: 1404/2018

Datum: 31.12.2018. godine